

ონის მუნიციპალიტეტის გამგეობა

ონის მუნიციპალიტეტის გამგეობა აცხადებს კონკურსს საპროექტო მომსახურების სახელმწიფო შესყიდვის თაობაზე და იწვევს კონკურსში მონაწილეობის მისაღებად ყველა დაინტერესებულ პირს.

შესყიდვის ობიექტია: ქ. ონში დავით აღმაშენებლის ქ. #46-ში მდებარე შენობისა და ამავე ქუჩაზე მდებარე ყოფილი რესტორანი „მამისონის“ შენობა-ნაგებობის შიდა და გარე სარეკონსტრუქციო-სარეაბილიტაციო სამუშაოების საპროექტო - სახარჯთაღრიცხვო მომსახურების შესყიდვა.

საპროექტო-სახარჯთაღრიცხვო მომსახურების ტექნიკური პირობა

საპროექტო მომსახურების შესყიდვის სავარაუდო ღირებულება შეადგენს 12 000 (თორმეტი ათასი) ლარს.

დაფინანსების წყარო: 2015 წლის ადგილობრივი ბიუჯეტი.

1. კონკურსში მონაწილეობის საფასური:

1.1 საკონკურსო წინადადების წარდგენისათვის პირი იხდის საფასურს „სახელმწიფო შესყიდვების შესახებ“ საქართველოს კანონის 191 მუხლის პირველი პუნქტით დადგენილი ოდენობით (50 ლარი). საფასური გადაიხდება სააგენტოს ანგარიშზე, რომელიც მითითებულია სააგენტოს ოფიციალურ ვებ-გვერდზე (www.procurement.gov.ge).

1.2 საფასურის გადახდის დამადასტურებელ დოკუმენტში მითითებული უნდა იყოს:

ა) გადახდის დამადასტურებელი დოკუმენტის უნიკალური ნომერი და გადახდის თარიღი;

ბ) შემსყიდველი ორგანიზაციის დასახელება და საიდენტიფიკაციო კოდი;

გ) კონკურსანტის დასახელება და საიდენტიფიკაციო კოდი;

დ) საკონკურსო განაცხადის სააგენტოს ოფიციალურ ვებ-გვერდზე გამოქვეყნების შედეგად განცხადებისათვის მინიჭებული უნიკალური ნომერი.

დარღვევით გაცემული დოკუმენტის წარდგენის შემთხვევაში პირის საკონკურსო წინადადება ექვემდებარება დისკვალიფიკაციას.

2. კონკურსი ჩატარდება 2015 წლის 8 აპრილის 15:00 საათზე.

დაინტერესებულმა პირებმა განცხადება კონკურსში მონაწილეობის შესახებ და საკონკურსო წინადადება ქართულ ენაზე, დალუქული პაკეტით უნდა წარმოადგინონ 2015 წლის 8 აპრილის 15:00 საათამდე შემდეგ მისამართზე: ქ. ონი, დავით აღმაშენებლის მოედანი #1, ონის მუნიციპალიტეტის გამგეობის შენობა, მე-2 სართული, საფინანსო-საბიუჯეტო სამსახური.

3. საკონკურსო წინადადების მოქმედების ვადა განისაზღვრება საკონკურსო წინადადების წარმოდგენის დღიდან 30 კალენდარული დღის განმავლობაში.

4. დავიანებით წარმოდგენილი საკონკურსო წინადადება, მათ შორის საკონკურსო წინადადების წარმოდგენისათვის საფასურის გადახდის დამადასტურებელი ქვითრის გარეშე წარმოდგენილი საკონკურსო წინადადება გატარდება რეგისტრაციაში და გაუხსნელად დაუბრუნდება კონკურსანტს.

5. საკონკურსო წინადადება ხელმოწერილი უნდა იყოს კონკურსანტის მიერ, ხელმოწერელი საკონკურსო წინადადება არ განიხილება.

6. საკონკურსო წინადადება რომლის ფასი აღემატება შესყიდვის სავარაუდო ღირებულებას არ განიხილება.

7. კონკურსი ტარდება „სახელმწიფო შესყიდვების შესახებ“ საქართველოს კანონისა და „კონკურსის მეშვეობით საპროექტო მომსახურების სახელმწიფო შესყიდვის პირობებისა და წესის დამტკიცების თაობაზე“ სახელმწიფო შესყიდვების სააგენტოს თავმჯდომარის 2011 წლის 10 თებერვლის #3 ბრძანებით დამტკიცებული საპროექტო მომსახურების სახელმწიფო შესყიდვის პირობებისა და წესის საფუძველზე.

8. საკონკურსო წინადადება უნდა მოიცავდეს და ითვალისწინებდეს :

- კონკურსანტის რეკვიზიტებს;
- საკონკურსო წინადადების ფასს დღგ-ს ჩათვლით;

- ინფორმაციას მიწოდების ვადის შესახებ;
 - გასაწევი მომსახურების სრული ტექნიკური აღწერა ტექნიკური დავალების შესაბამისად შემდეგი სახით: არქიტექტურული კონცეფცია-ესკიზური პროექტის ავტორისეული ხედვით, ერთი ეგზემპლარი ნაბეჭდი მასალა A3 ფორმატში, ასევე ესკიზური პროექტის ელექტრონული ვერსია (PDF ფაილით) ერთიანი პრეზენტაციის სახით შემდეგი შემადგენლობით: საპროექტო ორგანიზაციის დასახელება, რეკვიზიტები, განმარტებითი ბარათი, რომელშიც აღწერილი უნდა იყოს პროექტის დახასიათება, სარეაბილიტაციო სამუშაოებისათვის ძირითადი გამოსაყენებელი მასალის სპეციფიკაციები (ტექნიკური და ფიზიკური მახასიათებლები), 3D ვიზუალიზაცია (რენდერები).
 - კონკურსანტმა უნდა წარმოადგინოს საკუთარი არქიტექტურულ-გეგმარებითი კონცეფცია, ვიზუალური მასალა და კონცეფციის განმარტებითი ბარათი. არქიტექტურულ-გეგმარებითი კონცეფცია და მისი შინაარსი წარმოადგენს ძირითად პირობას საუკეთესო კონკურსანტის გამოსავლენად.
 - ინფორმაცია ანალოგიური გამოცდილების შესახებ, მინიმუმ 5(ხუთი) რეალიზებული პროექტის მითითებით;
 - ინფორმაცია პროექტზე მომუშავე კადრების კვალიფიკაციის და გამოცდილების შესახებ;
9. საკონკურსო წინადადება შეფასდება შემდეგი კრიტერიუმებით: არქიტექტურული კონცეფცია ესკიზური პროექტის ავტორისეული ხედვა -0,6, ფასი-0,3, გამოცდილება - 0,1
10. საპროექტო მომსახურების დასრულება უნდა განხორციელდეს ხელშეკრულების გაფორმებიდან არაუგვიანეს **60 (სამოცი) კალენდარული დღისა**.
11. გამარჯვებულმა პრეტენდენტმა ნახაზები, პროექტი და ხარჯთაღრიცხვა საქართველოს მთავრობის 2014 წლის 14 იანვრის #55 დადგენილების ტექნიკური რეგლამენტის - "სამშენებლო სამუშაოების სახელმწიფო შესყიდვისას ზედნადები ხარჯებისა და გეგმური მოგების განსაზღვრის წესის დამტკიცების შესახებ" შესაბამისად;) უნდა წარმოადგინოს 3 ეგზემპლარი ნაბეჭდი მასალა A3 ფორმატში და ელექტრონული სახით ჩაწერილი CD დისკზე.
12. დაინტერესებულ პირებს დამატებითი ინფორმაცია შეუძლიათ მიიღონ საკონკურსო კომისიაში, საკონტაქტო პირი: დავით რაზმაძე, საკონკურსო კომისიის თავმჯდომარე, ტელ.: 591 010360; მარინე მაისურაძე, საკონკურსო კომისიის აპარატის წევრი, ტელ.: 5950257272;
- მისამართი: ქ. ონი, დავით აღმაშენებლის მოედანი #1, საფინანსო-საბიუჯეტო სამსახური.

ტექნიკური დავალება

ქ. ონში დავით აღმაშენებლის ქ. #46-ში მდებარე შენობისა და ამავე ქუჩაზე მდებარე ყოფილი რესტორანი „მამისონის“ შენობა-ნაგებობის შიდა და გარე სარეკონსტრუქციო-სარეაბილიტაციო სამუშაოებისათვის საჭირო საპროექტო მომსახურება.

შენობების პარამეტრები:

1. დავით აღმაშენებლის ქ. N 46_ში არსებული შენობა(ბიბლიოთეკა, მოსწავლე ახალგაზრდობის სახლი)
შენობა ორსართულიანია, სარდაფით , მზიდი კედლები ბლოკისაა, ტიხრები აგურის, გადახურვა მოწყობილია ხის კონსტრუქციაზე თუნუქის ფურცლებით., სართულშუა გადახურვა რკინა ბეტონის ღრუტანიანი ფილებით. შენობის ზომებია 40*15 მ. საერთო ფართობი 1342 მ².
2. დავით აღმაშენებლის ქ. N 54_ში არსებული შენობა(ყოფილი რესტორანი „მამისონი“)
შენობა ორსართულიანია, სარდაფით , მზიდი კედლები ბლოკისაა, ტიხრები აგურისა და ხის (ტყევი), გადახურვა მოწყობილია ხის კონსტრუქციაზე თუნუქის ფურცლებით. სართულშუა გადახურვა მონოლითური რკინა ბეტონის. შენობის ზომებია 25*15 მ. საერთო ფართობი 1125 მ².

ძირითადი მოთხოვნები:

1. სიტუაციური გეგმა;
 2. გენგეგმა;
 3. განმარტებითი ბარათი;
 4. ფასადები და ჭრილები;
 5. ვიზუალიზაცია (აქსონომეტრია, პერსპექტივა);
 6. არქიტექტურული ნაწილი და გეგმარებითი ნახაზების შედგენა;
 10. კონსტრუქციული ნაწილი;
 13. წყალმომარაგება-კანალიზაცია, ელექტრომომარაგება და გაზიფიკირება (გათბობა) განხორციელდეს – ტექნიკური პირობების საფუძველზე, გაცემული შესაბამისი სამსახურების მიერ;
 14. ელექტროგაყვანილობა;
 15. განათების სისტემა ეზოსა და შენობების ფრონტალურ ფასადზე;
 16. სუსტი დენები - ა. კომპიუტერული, სატელეფონო და სატელევიზიო ქსელები;
 - ბ. სახანძრო სიგნალიზაციის სისტემა;
 17. გათბობა-ვენტილაცია-კონდიციონირება
 18. მშენებლობის ორგანიზაციის პროექტი;
 19. დენდრო პროექტი;
 20. სადემონსტრაციო მასალა (რენდერები);
 21. ტერიტორიისა და არსებული შენობის აზომვითი ნახაზი; (მომზადდება გამარჯვებული პრეტენდენტის მიერ)
 22. ხარჯთაღრიცხვა.
- საპროექტო მომსახურების დასრულება უნდა განხორციელდეს ხელშეკრულების გაფორმებიდან 60 კალენდარული დღის განმავლობაში.
3. ეზოს კეთილმოწყობა
- ❖ გამწვანება;
 - ❖ განათება;
 - ❖ ღობის შეცვლა-შერემონტება;
 - ❖ ეზოში ჩასასვლელის შეცვლა-შერემონტება;
 - ❖ ჭიშკრის შეცვლა-შერემონტება;
 - ❖ სამანქანო მისასვლელის მოწყობა;

შენიშვნა:

გამარჯვებული მიმწოდებელი ადგილზე გაეცნობა ა) ა) ონის მუნიციპალიტეტის სამხატვრო სკოლის, ბიბლიოთეკის, , სამუსიკო და მოსწავლე ახალგაზრდობის სახლის, სპეციფიკიდან გამომდინარე დამკვეთის მიერ წაყენებულ დეტალურ მოთხოვნებს.

მიმწოდებელი ვალდებულია გაითვალისწინოს საქართველოს მთავრობის 2014 წლის 6 იანვრის N 41 დადგენილება შემზღუდული შესაძლებლობის მქონე პირებისთვის სივრცის მოწყობისა და გეგმარებითი ელემენტების ტექნიკური რეგლამენტის შესახებ

მიმწოდებელი ვალდებულია უზრუნველყოს პროექტის - ტექნიკური მხარის ექსპერტიზის ჩატარება ლევან სამხარაულის სახელობის ექსპერტიზის ეროვნული ბიუროს მიერ, რაზეც უნდა წარმოადგინოს შესაბამისი დასკვნა. ექსპერტიზის დასკვნის წარმოუდგენლობა გამოიწვევს შესაბამისი მიმწოდებლის დისკვალიფიკაციას; ექსპერტიზის მომსახურების ღირებულება გათვალისწინებულია საკონკურსო ფასში.

სახელმწიფო შესყიდვების შესახებ ხელშეკრულების პროექტი

ონის მუნიციპალიტეტის გამგეობა, შემდგომში წოდებული "შემსყიდველად", მისი გამგებლის -----

სახით და ----- შემდგომში წოდებული „მიმწოდებლად“, წარმოდგენილი მისი დირექტორის --

----- სახით, ორივე ერთად წოდებული როგორც „მხარეები“, ვმოქმედებთ, რა საქართველოს კანონმდებლობის, მათ შორის „სახელმწიფო შესყიდვების შესახებ“ საქართველოს კანონის შესაბამისად, ვდებთ წინამდებარე ხელშეკრულებას:

1. გამოყენებული ტერმინების განმარტებები

ხელშეკრულებაში გამოყენებულ ტერმინებს აქვთ შემდეგი მნიშვნელობა:

1.1 „ხელშეკრულება სახელმწიფო შესყიდვის შესახებ“ (შემდგომში – „ხელშეკრულება“) – შემსყიდველსა და მიმწოდებელს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და ასევე მოთვლილი დოკუმენტაციით, რომლებზეც ხელშეკრულებაში არის მინიშნებები.

1.2 „ხელშეკრულების ღირებულება“ – საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმინვნით შესრულებისათვის.

1.3 „დღე“, „კვირა“, „თვე“ – კალენდარული დღე, კვირა, თვე.

1.4 „შემსყიდველი“ – ორგანიზაცია, რომელიც ახორციელებს შესყიდვას.

1.5 „მიმწოდებელი“ – პირი, რომელიც ახორციელებს საქონლის მიწოდებას ამ ხელშეკრულების ფარგლებში.

1.6 „მომსახურება“ – წინამდებარე ხელშეკრულების მე-2 მუხლით გათვალისწინებული ხელშეკრულების საგანი.

2. ხელშეკრულების საგანი

საპროექტო-სახარჯთაღრიცხვო მომსახურების შესყიდვა. (CPV კოდი -71300000)

3. ხელშეკრულების ღირებულება

3.1 ხელშეკრულების ღირებულება შეადგენს ----- (-----) ლარს.

3.2 ხელშეკრულების ღირებულება მოიცავს, როგორც გასაწევი მომსახურების ღირებულებას, ასევე წინამდებარე ხელშეკრულების შესრულებასთან დაკავშირებით მიმწოდებლის მიერ გაწეულ ყველა ხარჯს და საქართველოს კანონმდებლობით გათვალისწინებულ გადასახადებს.

3.3 წინამდებარე ხელშეკრულების პირობების, მათ შორის ფასის შეცვლა დაუშვებელია, თუ ამ ცვლილების შედეგად იზრდება ხელშეკრულების ღირებულება ან უარესდება ხელშეკრულების პირობები შემსყიდველისათვის, გარდა, საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ამ შემთხვევაშიც ფასის ცვლილება დასაშვებია არაუმეტეს ხელშეკრულების ჯამური ღირებულების 10 % .

4. მხარეთა ვალდებულებები

4.1 მიმწოდებელი ვალდებულია:

ა) უზრუნველყოს ხელშეკრულების მეორე მუხლით გათვალისწინებული საპროექტო-სახარჯთაღრიცხვო მომსახურების გაწევა, ხელშეკრულების გაფორმებიდან ----- დღის განმავლობაში.

ბ) აღნიშნული პროექტის განხორციელების პერიოდში შემსყიდველის წერილობითი მიმართვის საფუძველზე განახორციელოს პროექტში ცვლილება, უპასუხოს შემსყიდველის მხრიდან დასმულ შეკითხვებს.

გ) განიხილოს შემსყიდველის პრეტენზიები და მიანოდოს მოტივირებული პასუხი ყველა საკითხზე, აგრეთვე დაუყოვნებლივ უზრუნველყოს აღმოჩენილი ხარვეზის გამოსწორება;

დ) განახორციელოს ამ ხელშეკრულებით მასზე დაკისრებული სხვა ვალდებულებები.

4.2 შემსყიდველი ვალდებულია:

- ა) უზრუნველყოს ხელშეკრულების შესრულების კონტროლი.
- ბ) განახორციელოს ამ ხელშეკრულებით მასზე დაკისრებული სხვა ვალდებულებები.
- გ) მოსთხოვოს „მიმწოდებელს“ ხელშეკრულებით გათვალისწინებული ვალდებულებების ჯეროვნად შესრულება;

5. ხელშეკრულების შესრულების კონტროლი

5.1 შემსყიდველის მიერ ხელშეკრულების შესრულების კონტროლი განხორციელდება პერიოდულად, როგორც მომსახურების განვების დროს, ისე ამ ხელშეკრულების მოქმედების პერიოდში, შემსყიდველის მოთხოვნათა შესაბამისად.

5.2 ინსპექტირებას განხორციელებს/ენ -----.

5.3 შემსყიდველის შესაბამისი წარმომადგენელი (წარმომადგენლები, მონვეული ექსპერტი) უფლებამოსილია ჩაატაროს ხარისხის კონტროლი და თუ აღმოჩნდება წუნი განუელ მომსახურებაში, მიმწოდებელი ვალდებულია შემსყიდველის მიერ დადგენილ ვადაში გამოასწოროს წუნი.

6. მომსახურების მიღება-ჩაბარების წესი

6.1 მომსახურების მიღება წარმოებს მიღება-ჩაბარების აქტის სახით. მიღება-ჩაბარების აქტი ფორმდება წერილობითი ფორმით, მხარეთა უფლებამოსილი წარმომადგენლების ხელმოწერით.

7. ანგარიშსწორება

7.1 ანგარიშსწორება განხორციელდება შემდეგი პირობებით:

- ა) ანგარიშსწორების ვალუტა – ლარი;
- ბ) ანგარიშსწორების ფორმა – უნაღდო.

7.2 შემსყიდველი იღებს ვალდებულებას გადაუხადოს მიმწოდებელს მიღებული მომსახურების ღირებულება მიღება-ჩაბარების აქტის გაფორმებიდან, ანგარიშგაქტურის ან/და ზედნადების წარმოდგენიდან და ლევან სამხარაულის სასამართლო ექსპერტიზის ეროვნული ბიუროს მიერ ექსპერტიზის დასკვნის საფუძველზე (ექსპერტიზის ჩატარებას უზრუნველყოფს მიმწოდებელი) არაუგვიანეს 20 (ოცი) დღის განმავლობაში.

8. ხელშეკრულების შესრულების შეფერხება

8.1 თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ რაც შეიძლება მოკლე დროში უნდა აცნობოს მეორე მხარეს თავისი გადაწყვეტილება, მიღებული აღნიშნულ გარემოებებთან დაკავშირებით.

8.2 იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით, ხელშეკრულების მე-10 მუხლის შესაბამისად.

9. ხელშეკრულების პირობების შეუსრულებლობა

9.1 წინამდებარე ხელშეკრულების 4.1 პუნქტის „ა“ ქვეპუნქტით გათვალისწინებული მომსახურების ვადების გადაცილების შემთხვევაში მიმწოდებელს ეკისრება პირგასამტეხლო შესაბამისად ყოველ ვადაგადაცილებულ დღეზე ხელშეკრულების ღირებულების 0.02%-ის ოდენობით.

9.2 წინამდებარე ხელშეკრულების 7.2 პუნქტით განსაზღვრული ვადების გადაცილების შემთხვევაში შემსყიდველის ეკისრება პირგასამტეხლო ხელშეკრულების ღირებულების 0.02%-ის ოდენობით.

9.3 იმ შემთხვევაში, თუ მიმწოდებელზე დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 10 (ათი) პროცენტს, შემსყიდველი ითოვებს უფლებას შეწყვიტოს

ხელშეკრულება და მოსთხოვოს მიმწოდებელს ხელშეკრულების შეწყვეტის მომენტისათვის გადასახდელი პირგასამტეხლოს ანაზღაურება.

9.4 პირგასამტეხლოს გადახდა არ ათავისუფლებს მიმწოდებელს ძირითადი ვალდებულებების შესრულებისაგან.

10. ხელშეკრულებაში ცვლილებების შეტანა

10.1 ნებისმიერი ცვლილება წინამდებარე ხელშეკრულებაში განხორციელდება წერილობით ორივე მხარის უფლებამოსილი წარმომადგენლების ხელმოწერით.

10.2 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

11. დავების გადაწყვეტა

11.1 ხელშეკრულების შესრულების პროცესში მხარეთა შორის წარმოქმნილი უთანხმოება წყდება მოლაპარაკების გზით.

11.2 თუ ასეთი მოლაპარაკების დაწყებიდან 5 (ხუთი) დღის განმავლობაში შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია დადგენილი წესის შესაბამისად მიმართოს საქართველოს სასამართლოს.

12. ხელშეკრულების შეწყვეტა

12.1 შემსყიდველი უფლებამოსილია შეწყვიტოს წინამდებარე ხელშეკრულების მოქმედება, თუ მეორე მხარე ვერ უზრუნველყოფს თავისი ვალდებულებების შესრულებას, ან მოქმედი კანონმდებლობით დადგენილ სხვა შემთხვევებში.

12.2 ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს ხელშეკრულებით გათვალისწინებული ვალდებულებების შესრულებისაგან.

12.3 ხელშეკრულება აგრეთვე შეიძლება შეწყდეს მხარეთა წერილობითი შეთანხმების საფუძველზე.

13. ხელშეკრულების მოქმედების ვადა

წინამდებარე ხელშეკრულება ძალაში შედის ხელშეკრულების თავში მითითებული თარიღიდან და მოქმედებს 2015 წლის ----- ჩათვლით.

14. ფორს-მაჟორი

14.1 წინამდებარე ხელშეკრულების დამდეგი რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას, თუ ხელშეკრულების შესრულების შეფერხება ან მისი ვალდებულებების შეუსრულებლობა გამოწვეულია ფორს-მაჟორული მდგომარეობით.

14.2 ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველის ან/და მიმწოდებლის შეცდომებსა და დაუდევრობასთან, და რომლებსაც გააჩნიათ წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნეს ომით ან სტიქიური მოვლენებით, ეპიდემიით, კარანტინით, საქონლის მიწოდებაზე ემბარგოს დაწესებით, საბიუჯეტო ასიგნებების მკვეთრი შემცირებით და სხვა.

14.3 მხარემ, რომელსაც შეექმნა ფორს-მაჟორული გარემოება, დაუყოვნებლივ წერილობით უნდა აცნობოს მეორე მხარეს შექმნილი გარემოების და მისი სავარაუდო აღმოფხვრის ვადის შესახებ, წინააღმდეგ შემთხვევაში იგი არ ათავისუფლებს ხელშეკრულების პირობების სრული ან ნაწილობრივი შეუსრულებლობით გამოწვეული პასუხისმგებლობისგან.

15. საერთო პირობები

ხელშეკრულება შედგენილია სამ თანაბარი იურიდიული ძალის მქონე ეგზემპლარად, ქართულ

ენაზე, აქედან ერთი ეგზემპლარი გადაეცემა მიმწოდებელს, ხოლო ორი - შემსყიდველს.

16. მხარეთა რეკვიზიტები:

შემსყიდველი-----

მიმწოდებელი__









